

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ԸՆԴԱՅՆՎԱԾ Թ ՆԻՍՏԸ ՄԱՅՐ ԱԹՈՌ ՍՈՒՐԲ ԷՋՄԻԱԾՆՈՒՄ

Օգոստոսի 24-ին, ժամը 11.00-ին, Մայր Աթոռ Սուրբ Էջմիածնի վեհարարանի ընդարձակ սրահում, Ն.Ս.Օ.Տ.Տ. Գարեգին Ա Ամենայն Հայոց կաթողիկոսի բարձր նախագահությամբ և Ամերիկայի Միացյալ Նահանգների Հայոց Արևմտյան թեմի առաջնորդ Տ. Վաչե արքեպս. Հովսեփյանի, Եգիպտոսի հայոց թեմի առաջնորդ Տ. Զավեն արքեպս. Չինչիյանի ատենապետությամբ, իր աշխատանքներն սկսեց Գերագույն Հոգևոր խորհրդի ընդլայնված Թ Գիստը, որն ուներ հետևյալ օրակարգը.

1. Բացման աղոթք.
2. Հայրապետական ողջույնի խոսք,
3. Նախորդ Գիստի արձանագրության ընթերցում և հաստատում,
4. Վեհափառ Հայրապետի զեկույցը,
5. Զեկույց կանոնադրության պատրաստման ընթացքի մասին,
6. 1700-ամյակի տոնակատարության հատուկ աշխատանքներ,
7. Հարաբերություններ Նվիրապետական Աթոռների հետ,
8. Երևանի Մայր եկեղեցու շինության զարգացման ընթացք,
9. Տնտեսական կացություն-հաշվական զեկույց,
10. Զնախառնված հարցեր,
11. Առաջիկա մտաշրջանի ճշտում:

Գերագույն Հոգևոր խորհրդի հերթական Գիստին ներկա էին մնալու անդամներ Արարատյան Հայրապետական թեմի առաջնորդական փոխանորդ Տ. Գարեգին արքեպս. Ներսիսյանը, Մայր Աթոռի դիվանապետ Տ. Ներսես արքեպս. Պողոսյանը, Վիրահայոց թեմի առաջնորդ Տ. Գևորգ արքեպս. Սերայդարյանը, Մայրագույն Արևելքի հայրապետական պատվիրակ, Ամերիկայի Միացյալ Նահանգների Արևելյան թեմի առաջնորդ Տ. Խաժակ արքեպս. Պարսամյանը, Արցախի թեմի առաջնորդ Տ. Պարզե եպս. Մարտիրոսյանը, Սյունյաց թեմի առաջնորդ Տ. Աբրահամ եպս. Մկրտչյանը, Ուկրաինայի թեմի առաջնորդ Տ. Նաթան եպս. Հովհաննիսյանը, Գեղարքունիքի թեմի առաջնորդ Տ. Անանիա եպս. Արաքսյանը, աշխարհական անդամներ Խիարք Վլադիմիր Բարխուդարյանը, Գրիգոր Խանջյանը, Պիոն Հակոբյանը, Ռաֆայել Պապայանը, ընդլայնված կազմի անդամներ Արևմտյան Եվրոպայի հայրապետական պատվիրակ և Փարիզի առաջնորդ Տ. Գյուտ արքեպս. Նազաշյանը, Ավստրալիայի և Նոր Զելանդիայի առաջնորդ Տ. Աղան արքեպս. Պալիոզյանը:

Նիստի անդրամիկ օրվա աշխատանքներին ներկա էին Երուսաղեմի Պատրիարք ամենապատիվ Տ. Թորգոմ արքեպս. Մանուկյանը, Տիրան, Գիսակ և Աստղիկ Սրբազանները:

Բացման աղոթքից հետո, ժողովականներին իր ողջույնի խոսքը հղեց Վեհափառ Հայրապետը՝ միաժամանակ ցավ հայտնելով, որ առողջական

վիճակի վատացման պատճառով չկարողացավ վերադառնալ Մայր Աթոռ, և հուլիսին գումարվելիք միստը հետաձգվեց մինչև օգոստոս ամիսը: Այնուհետև Նորին Սրբության առաջարկով ներկաները հոտմկայս «Հոգոց» արտասանեցին Կ. Պոլսո երջանկահիշատակ Պատրիարք Գարեգին արքեպս. Գազանճյանի հոգու խաղաղության համար:



Գերագույն Հոգևոր խորհրդի մասնակիցները
Վեհափառ Հայրապետի զխափորությամբ

Աղոթքից հետո, Վեհափառ Հոր հրավերով, ժողովի ատենապետությունն ստանձնեց գերաշնորհ Տ. Վաչե արքեպս. Հովսեփյանը, քանի որ մյուս ատենապետը՝ գերաշնորհ Տ. Զավեն արքեպս. Հինչիմյանը, Մայր Աթոռ էր ժամանելու փոքր-ինչ ուշացումով:

Ատենապետ Սրբազանը Գերագույն Հոգևոր խորհրդի անունից նախողջունեց Նորին Սրբության վերադարձը Մայր Աթոռ, ապա մաղթեց լիակատար ապաքինում, որից հետո հրավիրեց ժողովականներին՝ իրենց առաջարկները ներկայացնել օրակարգի վերաբերյալ:

Առաջարկներով հանդես եկան Գարեգին, Գևորգ, Խաժակ, Աղան, Անանիա Սրբազանները, տիրա Ռաֆայել Պապայանը:

Այնուհետև ատենադպիր Տ. Աբրահամ եպս. Մկրտչյանն ընթերցեց նախորդ՝ Ը միստի արձանագրությունը, որի շուրջ ծավալվեց մտքերի փոխանակություն: Իրենց նկատառումները հայտնեցին Վաչե, Գարեգին, Խաժակ Սրբազանները, Գ. Խանջյանը, Վ. Բարխուդարյանը: Որոշ սրբազրույմներից հետո, արձանագրությունը վավերացվեց:

Նիստից միստ ընկած ժամանակահատվածում Մայր Աթոռի գործունեության մասին քանավոր խոսքով հանդես եկավ Նորին Սուրբ Օծությունը:

Ժողովականներին մանրամասն տեղեկություններ տալով իր առողջական վիճակի մասին՝ Նորին Սրբությունը միաժամանակ հայրապետական գնահատություն տվեց Վանական խորհրդին՝ չորսամսյա իր քաջակալության ընթացքում Մայր Աթոռի ընթացիկ գործերը հաջողությամբ վարելու համար:

Գարեգին Սրբազանի առաջարկով անմիջական քննարկման հարց դարձավ պետություն-Եկեղեցի հարաբերությունը: Որոշվեց Մայր Աթոռին առընթեր ունենալ իրավաբաններից և հոգևորականներից կազմված իրավաբանական հանձնաժողով:

Օրվա երկրորդ կեսին, ժամը 18.30-ին, միստը շարունակեց աշխատանքը: Ծարունակելով զեկույցը՝ Վեհափառ Հայրապետն անդրադարձավ Գևորգյան Հոգևոր Ընմարանի գործունեությանը՝ շեշտելով տեսչական և ուսուցչական կազմի գորացման անհրաժեշտությունը:

Հոգևոր Ընմարանի գործունեության, ինչպես նաև ներքին թեմերից ուսանողներ ուղարկելու վերաբերյալ արտահայտվեցին Գևորգ, Գարեգին, Անանիա, Պարզև, Խաժակ Սրբազանները: Քննարկումը եզրափակվեց Վեհափառ Հոր՝ առկա հարցերը տեսուչ Հայր Սուրբին ներկայացնելու որոշումով:

ՔԴ-ՔԿ-ի վարիչ-տնօրեն Տ. Վազգեն վրդ. Միրզախանյանը ներկայացրեց վերջին ամիսներին կենտրոնի գործունեությունը: Այդ առիթով արտահայտվեցին Վաչե, Գարեգին, Պարզև, Խաժակ, Արտահմ Սրբազանները, Պ. Հակոբյանը, Ռ. Պապայանը: Արված դիտողություններին պարզաբանումներ տվեց վարիչ-տնօրեն Հայր Սուրբը: Քննարկումը եզրափակեց Նորին Սրբությունը՝ շեշտելով ՔԴ-ՔԿ - թեմ համագործակցության անհրաժեշտությունը:

Այնուհետև Վեհափառ Հայրապետն անդրադարձավ Մայր Աթոռի տնտեսական ու շինարարական աշխատանքներին, իր հովվապետական այցելություններին, ինչպես նաև միջեկեղեցական, Մայր Աթոռ - թեմեր փոխհարաբերություններին:

Նիստն իր աշխատանքները շարունակեց մինչև օգոստոսի 25-ը: Քննարկվեցին 1700-ամյակի տոնակատարություններին, Երևանի Մայր եկեղեցու շինարարությանը, նվիրապետական Աթոռների հետ հարաբերություններին, Եկեղեցու կանոնադրության մշակմանը վերաբերող հարցեր:

Ժողովականների առաջարկով Գերագույն Հոգևոր Խորհրդի միստը անդրադարձավ նաև Հայաստանում կրոնական կազմակերպությունների և աղանդավորների գործունեությանը, Եկեղեցի-պետություն հարաբերություններին, Հայաստանից դուրս գործող հայկական եկեղեցիների վերանորոգման խնդիրներին:

Գերագույն Հոգևոր Խորհրդի ընդլայնված Թ միստն իր աշխատանքներն ավարտեց Վեհափառ Հայրապետի «Պահպանիչ» աղոթքով:

ՄԱՐԻԱՄ ՎԱՐԴԱՆՅԱՆ